

बेड़ी म्हारी पार उतारो धणी रामा सायल लिरिक्स



बेड़ी म्हारी पार उतारो धणी रामा,
थोड़ी सी दिराऊ अजमाल जी री आण,
दादू रिणासी री आण,
रिखियो री सायल सुणो धणी रामा।bd।

आद जुगादि अमर थोरी आशा,
तुर बिन तारण दीन दयाल,
पुर बिन पाँख पंखेरू किया उड़िया,
थे मात पिता मै झोले बाल।bd।

सतजुग पाट प्रह्लाद राजा पूरियो,
नरसिंग रूप धरियो किरतार,
खम्भ फाड़ हिरणाकुश मारियो,
उटे कृष्ण कला हरि ले अवतार।bd।

त्रेता जुग राजा हरिश्चंद्र सिद्धा,
सत सिद्धा तारादे नार,
सत रे काज वे राज तज दीनो,
तो ही नहीं छोड़ी वे सत री लार।bd।

द्वापर में राजा जोटल सिद्धा,
सत सिद्धा ए द्रोपद नार,
सत रे काज हिमाले जाय गलियां,
पछे आम लगायो राजा पांडु रे द्वार।bd।

कलजुग में राजा बलवंत सिद्धा,
बावन रूप धरियो किरतार,
तीन पावन्डा धरती नापी,
जणो उटे झूपी बनाई बलि रे द्वार।bd।



समदो पार बोहितो सिंवरे,
जहाज लाया हरि बारे ताण,
देउ शरणे हरजी बोले जणा,
मेहर करो धणी थे मोटा मेहमाण।bd।

बेड़ी म्हारी पार उतारो धणी रामा,
थोड़ी सी दिराऊ अजमाल जी री आण,
दादू रिणासी री आण,
रिखियो री सायल सुणो धणी रामा।

गायक – ओम सा पल्ली।
प्रेषक – रामेश्वर लाल पँवार।
आकाशवाणी सिंगर।
9785126052
